

山

西

通

志

(七)

新學
如夢
如夢

PDG

山西通志卷第一百七十七

山西巡撫都察院右副都御史 覺羅石麟奉

官修輯

辨證二

潞安府

長治縣

蔡母恢見魏王曰秦悉塞外之兵與周之衆以攻南陽而兩上黨絕矣樊餘謂楚王曰韓兼兩上黨以臨趙即趙羊腸以上危 王海注戰國策所謂兩上黨者蓋在韓趙之間猶安邑魏地而云取韓安邑也

史記正義秦上黨郡今澤潞儀沁等四州之地兼相州之半韓魏有之至七國時趙得儀沁二州之地韓

山西通志

卷一百七十七 辨證

一

澤州之半半屬趙魏沁州在羊腸坂之西儀并代三州在勾注山之南秦以三郡攻趙之澤潞則勾注之南趙無地趙收天下伐齊蘇厲爲齊說趙王曰秦盡韓魏之上黨則地與國都邦屬而壤挈者七百里秦以三軍强弩坐羊腸之上即地去邯鄲二十里且齊以三軍攻王之上黨而危其北則勾注之西非王之有也潞安志一曰韓魏之上黨一曰王之上黨地三晉均有之矣

玉海呂氏曰秦并六國始於韓者蓋李斯之策也杜牧曰秦萃銳三晉經六世乃能得韓遂折天下脊後得趙因拾取諸國林氏曰六國并於秦者秦知天下之勢取韓魏以執其樞也

秦坑降卒之二年復攻趙定太原上黨尚有未降邑也又十

三年而悉拔上黨諸城立太原郡以上黨屬之韓信定魏地置上黨郡

周大象元年五月辛亥以潞州上黨郡爲代國邑一萬戶代

王達之國 宣政元年正月癸酉分并州上黨郡置潞州舊唐書上黨漢壺關縣隋分置上黨州所治 武德二年置

總管府於潞州貞觀二年廢 八年置都督府 開元十

四年升潞州爲大都督府與并益荆楊同以儀石二州隸焉天寶 年置澤潞沁節度使治潞州 相衛節度號昭

義領相衛貝磁邢洛六州又詔昭義軍兼領澤潞徙治潞

州 昭義節度使節制澤潞邢洛磁五州而治潞州節度

使孟方立謂潞州山川高險而人俗勁悍自劉稹以來常

逐其帥且已邢人也因徙其軍於邢州而潞人怨方立之

山西通志

卷一百七十七 辨證

二

徙因以澤潞二州歸於晉晉遣李克修爲澤潞節度使方

立以邢洛磁三州自爲昭義軍 唐廣明後昭義節度使

高潁與賊戰石橋敗績其將劉廣擅還據潞州別將孟方

立殺廣因取邢洛磁三州貳於已昭義所隸惟澤一州上

以兵部侍郎鄭昌圖權守潞人心多附方立昌圖不能制

朝議以大臣鎮撫授王徽同平章事領昭義節度使是時

李克用亦爭澤潞徽度未能以兵抗之奉表固辭詔可

五代史考潞州唐故曰昭義梁末帝時屬梁改曰匡義歲餘

唐滅梁改曰安義晉復曰昭義邢州故屬昭義軍節度昭

義所統澤潞邢洛磁五州唐末孟方立爲昭義軍節度使徙其軍額於邢州而澤潞二州入於晉故當唐末有兩昭義軍梁晉之爭或入於梁或入於晉梁以邢洛磁三州爲

保義軍莊宗滅梁改曰安國

後唐莊宗以潞州城池高深將屢叛悉夷之

宋太平興國初改昭德軍節度使後領河東路兵馬鈐轄兼

提舉澤晉絳州威勝軍屯駐本城兵馬巡檢事

州建中靖國元年改爲軍崇寧三年陞爲府仍還昭德舊

節

金天會六年節度使兼潞南遼沁觀察處置使 宣宗時置

潞州元帥府

金末林州元帥府徙潞民往來疲甚上黨公張開請並立元

帥府從之

元初爲隆德府行都元帥府事太宗三年復爲潞州隸平陽

路至元三年乃以錄事司併入上黨縣

山西通志

卷一百七十七

三

明初省上黨入潞州嘉靖中析爲長治

上黨廢縣漢壺關縣地隋析置上黨縣明省入潞州其境有

子城隋開皇三年築周三里一十步今改府治

潞安界辨 潞安自明嘉靖陞爲府前此名潞州考唐武

德二年於潞州置總管府貞觀八年改置都督府開元時

升爲大都督府相衛節度號昭義領相衛貝磁邢洛六州

又詔兼領潞澤從治潞州則是昭義軍所轄非獨今山西

境也邢卽順德邢臺等地洛卽廣平永平等地磁卽磁州

屬今皆爲直隸兩西境唐末潞州節度使孟方立徙軍於

邢州而澤潞二州入於晉方立以邢洛磁三州自爲昭義

軍故有兩昭義軍其後或改匡義或改安義或改保義或

改安國梁晉分爭各有更易宋上黨郡昭義軍節度陞爲

隆德府大都督府鈐轄兵馬兼提舉威勝軍屯金節度使

兼潞南等觀察處置使又置潞州元帥府誠重其地也

又考隋唐宋金元涉縣皆隸上黨潞州金貞祐興定間且

升爲崇州隸以黎城元至元三年乃以涉縣割入於正定

府

長治壺關辨 秦置上黨郡治壺關城漢治長子城前漢

壺關註云有羊腸阪卽黎亭是後漢註云文王戡黎卽此

又引上黨記曰東山在城東魏地志註董卓亂治壺關城

慕容儁治安民城後遷壺關城皇始元年遷治安民真君

中復治壺關隋開皇初廢上黨郡有壺關縣大業初復置

郡廢壺關人上黨唐武德四年析上黨置壺關有啟聖宮

有瑞閣有五龍山馬駒山宋以後皆名上黨別置壺關明

山西通志

卷一百七十七

四

初省入潞州嘉靖七年升州爲府十年乃置長治附郭今

壺關在府治東二十五里蓋長治卽隋唐以後之上黨縣

上黨卽古壺關也

長子縣

漢志注長子周史辛甲所封鹿谷山濁漳水所出東至鄴入

清漳師古曰讀曰長短之長今俗爲長幼之長非也

後漢志注上黨郡秦置雒陽北千五百里

周禮職方氏其川漳註漳出長子長丁丈反左傳晉人執石

買於長子註長丁丈反長從上聲舊矣顏師古謂爲長狄

所居而得名夫赤狄見於春秋而武王封辛甲已稱長子

則顏說誤也 戰國策趙襄子出亡問所之左右曰長子城厚完

職方氏冀州畜宜牛羊上黨舊有猗氏縣岳陽有猗氏關地當在長

子屯留西北間

地形志長子慕容永所都有長子城應城傾城幸城有鮑宣

墓

隋志長子註後齊廢開皇九年置曰寄氏縣十八年改爲長

子舊有屯留樂陽二縣後齊廢

通考隋置長子元明因之

長子故城在縣西

長子辨 山海經蒼梧之山舜葬於陽丹朱葬於陰括地

志云丹朱故城在鄧州內鄉縣內鄉亦有丹朱墓考浮山

爲丹朱食邑而平陽府及陽城縣皆有丹朱墓長子縣又

有丹朱陵郭守邦曰陵當作嶺聲相近遂傳說也或曰此

山西通志 卷一百七十七 辨證

五

堯暄父子墓或曰嶺土色赤故名丹朱陵非以九子之故

按武王封辛甲於長子晉人執石買於長子是周以前已

有長子地名西又近浮山界卽謂邑名因丹朱而傳也可

洹氏辨 水經注曰洹水出上黨洹氏縣洹山在長子

縣今考上黨古無洹氏縣邑惟秦漢有洹氏縣今高平是

也有洹水出丹朱嶺下卽丹水是也丹水亦屬高平丹朱

嶺卽長子與高平分界處 考唐書有洹水縣本隸相州

天祐三年後屬魏州亦非洹氏縣

屯留縣

襄公十七年晉人執孫蒯於純留 趙肅侯元年奪晉君端

氏地徙於屯留 純留水經註一名戎屯 晉人滅赤狄

甲氏及留吁 留吁今屯留也甲氏潞之遺種留吁其殘

邑也銅鞮有甲水疑卽甲氏也 周赧四年秦惠王伐韓

張儀曰路當屯留之道

竹書紀年鄭取屯留長子 鄭卽韓

秦始皇八年長安君擊趙反死屯留軍吏皆斬遷其民於臨

兆 八年成安君擊趙壁於屯留

漢志註屯留桑欽言絳水出西南東入海師古曰屯音純

括地志屯留故城在潞州長子縣東北三十里本漢屯留縣

城也

上黨郡余吾 地形志襄垣郡建義分上黨之屯留置

後齊廢屯留開皇十六年復

續通考屯留唐自霍壁移今治元初併入襄垣後復置

屯留辨 屯留一名余吾一名純留一名戎屯一名留吁

山西通志 卷一百七十七 辨證

六

此胥見於史傳可考至前漢上黨郡隋氏後漢曰猗氏後

魏改稱寄氏註云有猗氏城建義元年又分屯留置建義

縣有鹿臺山及祠又晉泰中分長子屯留置樂陽縣有望

天嶺絳水所出有堯祠此舊誌所以謂屯留有寄氏之半

也屯留故城在長子東北爲韓趙要地樂陽縣今隸長子

爲樂陽村又考開皇九年置寄氏縣十八年改爲長子則

長子亦兼有漢猗氏地云

襄垣縣

漢志注襄垣莽曰上黨亭

地形志鄉郡襄垣註二漢晉屬上黨 襄垣郡建義元年置

治襄垣城領縣四襄垣五原建義刈陵

隋書襄垣註舊置襄垣郡後齊郡廢後周置韓州大業初州

廢有鹿臺山

舊唐書銅鞮漢縣隋屬韓州武德元年屬沁州三年分置甲水縣五年移治鯨水堡六年移於今所屬韓州省甲水縣韓州廢屬潞州

按韓州領襄垣黎城涉銅鞮鄉五縣貞觀十七年州廢襄垣辨漢晉以前隋唐以後襄垣皆屬上黨郡惟北魏於鄉郡置襄垣註有五音山神祠襄垣城臨川城又於襄垣郡置襄垣註建義元年分鄉郡之襄垣置有安民城襄垣城即郡治也按鄉郡置於延和二年由延和至建義凡九十餘年非有兩襄垣特增易其城郭更移其郡屬耳他如漢涅縣之故城北魏之臨川城後周置韓州之韓城唐開元龍見之青城皆非今治或曰趙襄子曾築城甘水之山西通志卷一百七十七辨訛

七

陽故即以襄垣名縣云

潞城縣

宣公十五年六月癸卯晉荀林父敗赤狄於曲梁辛亥滅潞晉師滅赤狄潞氏以潞子嬰兒歸獲長狄焚如晉敗范中行之師於潞獲籍秦高邲

路史潞參盧役春秋潞子都曲梁即潞澤縣周置潞州建德今之七年

潞城漢縣亦作路漢志注潞故潞子國

地形志刊陵註二漢晉曰潞屬上黨真君十一年改後屬有

黎城潞城武軍城涉城有涉太臺壁

隋開皇十六年置有黃阜山

續通考唐末改潞子縣尋復潞城宋金元明因之

古潞城縣東北四十里漢縣後魏改刊陵縣移沁水北城遂

廢潞縣故城在潞城縣西

微子遺迹辨史記微子持祭器造軍門武王釋之復其位成王誅武庚後乃命之代殷後奉先祀作微子之命以申之國於宋殷之餘民甚戴愛之據九域志博州有微子城或云在魯或云徐沛東南微山有微子冢路史皆以爲非今考河南歸德府城西南有微子墓新鄉縣亦有廟而潞城東北十五里有微子城居民因以名其村鎮更上五里有微子嶺潞水出其下西流入濁漳爲冀州巨津且邑有三仁廟存焉考其地去宋遠矣閭若璩四書釋地微箕二國如康成謂俱在圻內今潞城縣東北有微子城榆社縣東南有古箕城皆其所封地疑近是今按潞城與榆社胥近殷都而潞城尤近應屬微國初封不得以宋微兩地爲疑

山西通志

卷一百七十七辨訛

八

黎城縣

西伯戡黎大紀黎不共王命商不知討西伯發戡之後

漢志壺關有黎亭故黎國文王戡黎卽此續通考隋氏

始置黎城元省入潞城元祐初復置金元明因之

路史黎黎氏故國一作黎山氏服虔曰子姓國侯爵玉篇作

黎黎文王所戡者與殷都接今潞城東十八里有故黎侯

城黎亭衛地故黎侯寓衛

毛詩物考黎任姓侯爵黃氏曰今潞州上黨黎城壺關三縣

皆古黎國地鄭箋黎在衛西在潞縣西二里乃失國而寓

於此非黎國也

路史黎夏諸侯九黎杜預云東夷國晉侯略狄土立黎侯非

文王所戡矣故晉志二黎國

路史飢飢昔文王伐飢本作飢音祈即耆黎也周書傳五年伐耆而大傳作耆故說以爲黎也

隋書後魏以潞縣被誅遣人置十八年改名黎城有積布山松門嶺

唐志天祐元年更名黎亭

宋志黎城註天聖三年徙治涉之中南白馬驛熙寧三年省入潞城縣元祐元年復

元志黎城至元二年併涉縣偏城等十三村入焉

羅莘曰黎亭即黎陽故城一曰黎侯城水經黎陽故城在黎

山東北班志上黨壺關東北有黎亭九域志亭在黎侯嶺

上今通利之黎陽漢黎縣有黎陽山古今山川記云衛黎

山西通志

卷一百七十七 辨證

九

陽國也黎侯寓衛以中路泥中二邑處之

通鑑前編商自武乙以來復都河北在今衛州之朝歌而黎今潞州之黎城至衛計地三百餘里耳則黎乃商畿內侯

國也

明秀王見澍論書至西伯戡黎長史王誠主吳氏說曰戡黎者武王也右史趙銳主孔氏說曰實文王事爭之失色見澍曰經義未有定論不嫌徃復若是非先簡二先生意也

日知錄以閩中并天下者必先于得河東秦取三晉而後滅燕齊秦苻氏取晉陽而後滅燕宇文氏取晉陽而後滅齊故西伯戡黎而殷人恐矣

黎辨 黎城縣名定於隋白馬驛之黎城自宋始遷黎本

強大今長治壺關黎城等縣皆古黎地或曰子姓或曰任姓皆侯國晉其後恃壺口關吾兒略之險不共王命故西

伯戡之尚書戡黎乃指全國而言非謂今治白馬驛之黎城也後漢書壺關有黎亭故黎國即水經所云黎陽故城

在黎山東北九域志所云亭在黎侯嶺上者是元併涉縣

金隸崇州後魏本刈陵至春秋時黎侯失國而寓衛黎在衛西詩故云匪軍不東山川記以黎陽山爲衛黎侯國應

指所寓之地而各之二漢晉魏郡魏黎陽郡隋及郡唐魏

州宋衛州金滹州皆載黎陽非文王所戡之黎也

壺關縣

漢志壺關注有羊腸阪沾水東至朝歌入淇應劭曰黎侯國也今黎亭是

山西通志

卷一百七十七 辨證

十

地形志上黨郡註秦置治壺關城前漢治長子城董卓作亂

治壺關城慕容儁治安民城後遷壺關城 皇始元年遷治安民真君中復治壺關有白馬祠劉公祠上黨關石井

關天井關領屯留長子壺關寄氏樂陽

舊唐志潞州壺關武德四年分上黨置移治於高望堡貞觀

十七年移治進流川

宋金元明治皆仍舊

平順縣

續通考平順本壺關之東鄙潞城之東南地陵川之北鄙嘉靖中析其地以置縣

縣本青羊里舊隸潞城明嘉靖三年里人霸吏陳卿起爲盜

潞城令不能制嘯聚滋衆恃險出沒事聞調河南山西官

兵勦之八年賊平兵科都給事中夏言勘奏建縣治

王世貞張孚敬傳潞州盜陳卿據青羊山殺官吏中外頗務

姑息爲撫安計而公獨破之卒捕誅卿

汾州府

汾陽縣

竹書紀年西河后啓征之

夷吾遺里克書誠得立請遂封子於汾陽之邑

按此則春秋時已有汾陽之稱矣

魏西河守吳起築城西河以拒秦關地千里

史記秦惠公初稱王得上郡西河

史記衛青空河南地置朔方郡陰山縣郡隸并州縣隸西河

徐廣曰臯狼地名在西河 索隱按地理志臯狼是西河郡

山西通志

卷一百七十七

辨證

十一

之縣名蓋孟增幸於周成王成王居之於臯狼故云臯狼

後漢志太原郡於離茲氏註莽曰茲同 縣南十五里鞏村

卽漢茲氏故城漢高帝封沂陽侯嬰爲侯國史記夏侯嬰

食邑茲氏是也俗名甄子城又傳會魏文甄夫人之說不

足據 按司馬子盛碑西河縣城卽茲氏

西河郡註武帝置雒陽北千二百里也 統十三城有中陽

地形志晉州西河郡舊汾州孝昌二年爲賊所破遂居平陽

界還置郡 隰城孝昌中置 汾州西河郡置茲氏城

隰城有虞城陽城 靈州註太延二年置薄骨律鎮孝

昌中改後陷關西天平中置寄治汾州隰城縣界

隋開皇元年築長城汾州刺史韋冲綏懷亡叛者

隋西河郡註後魏置汾州後齊置南朔州後周改介州統隰

城介休永安平遙靈石綿上六縣

舊唐志汾州西河漢美稷縣隋爲隰城縣上元元年九月改

爲西河縣

唐西河郡註本浩州武德三年更名汾州領西河孝義介休

靈石平遙五縣宋金領縣同宋西河郡軍事金天會六年

置汾陽軍節度使又置河東南北路提刑司元初立汾州

元帥府後府廢領西河平遙介休孝義四縣

按開皇置西汾州改隰州又隋書東魏置文成郡爲南

汾州均非此汾州也惟西河郡下註隰城舊置西河郡

者近是然亦非今之隰州

括地志中陽卽西陽在汾州隰城南卽今孝義縣也晉嘗省

入隰城縣

山西通志

卷一百七十七

辨證

十二

通典隰城有美稷鄉卽漢美稷縣地又有漢京陵縣卽晉趙

文子與叔向觀於九原之所

路史趙蘭漢西河屬縣

金志汾州上宋西河郡軍事天會六年置汾陽軍節度使後

又置河東南北路提刑司領五縣 西河註有謁泉山比

干山文水汾水

元太祖十三年木華黎克汾州立汾州元帥府割靈石縣隸

平陽之霍州 至元二年行州事屬太原路

汾州舊志秦惠王伐魏魏入西河於秦及始皇郡縣天下始

隸太原郡治茲氏 後漢書西河郡武帝元朔四年置

建武十年省定襄郡徙其民於西河

魏置西河郡治茲氏 晉太寧初劉曜自隴長驅至西河金

鼓聲沸河動地 張平跨有西河地

縣東十五里有潞城文湖汾水交流之西晉改曰隰城漢改

曰西河明省入汾州

按隋書太原郡有汾陽縣乃舊陽曲開皇六年改陽直
者也非此汾陽

汾隰界辨 汾州郡治在汾陽其南三十里爲孝義東爲
平遙西爲寧鄉東南爲介休西北爲永寧臨縣西南爲石
樓而隰州去汾郡治凡二百七十里爲古蒲子地或因汾
陽孝義舊爲隰城所分遂謂與隰州同轄此未覈也汾陽
漢爲美稷又爲茲氏孝義漢魏爲中陽二縣在晉同曰隰
城北魏亦曰隰城太延中改爲什星軍太和八年復隰城
又析隰城爲永安隋曰隰城唐上元元年改汾陽曰西河

山西通志

卷一百一十七 雜錄

圭

貞觀元年改永安曰孝義宋以後因之隋唐二縣皆屬西
河郡是隰城非隰州甚著漢河東郡蒲子晉劉淵據之後
置大呂郡北魏爲長壽縣屬并城郡太和間於此置南汾
州後周置龍泉郡隋初廢郡復置西汾州尋改隰州又改
縣曰隰川唐武德元年復爲隰州天寶元年改大寧郡乾
元元年仍爲隰州金天會六年改南隰州天德三年去南
字元爲隰川明併隰川爲隰州若以汾之隰城指爲隰州
又以魏齊時隰州嘗有南汾州西汾州之名而指爲汾州
是兩誤也顧所以誤稱亦有故魏延和三年汾州爲鎮太
和八年西河郡治在茲氏城鎮隰城介休永安三縣十二
年置汾州治蒲子城孝昌中陷賊移治西河遂居平陽界
還置郡並置永安隰城介休三縣屬晉州武定五年又以

永安中所置隰城介休五城三縣改屬義州五城郡當其

治蒲子城在後周所改石城之蒲子縣地未嘗在隰州地

而隰州舊名蒲子此西汾州南汾州所以易混今之汾州

也魏孝文帝置石城縣屬汾州五城郡周大象二年改蒲子縣計自魏高祖太和十二年

至肅宗孝昌三年共三十九年其治蒲子城未久不覈其

遷徙之迹而遽指汾州隰州爲一地則古今之地名其不

混淆者幾希

平遙縣

趙武靈王十年秦取中都西陽安邑徐廣曰太原有中都縣

西河有中陽縣

晉陽志漢高祖十一年討韓信遣太尉周勃平定代地遂取

山陽太原之區亦屬代立子恒爲代王都晉陽後都中都

山西通志

卷一百一十七 雜錄

兩

魏時廢爲縣屬平陶

尹耕代國考 代自入漢以來其國數易大抵有三曰山北

也山南也山東也山北之代舊國也始於商湯歷代因之

是故齊桓之所服趙襄之所并代成安陽之所封公子嘉

之所奔趙歇陳餘之所王夏說之所守劉喜之所棄陳豨

之所監皆是也所謂蔚之廢城也山南之代徙都也始於

高帝十一年分山北爲郡而稍割太原地益之以自爲國

是故文帝之始封中年之所徙入繼之所自臨幸之所復

以及於武帝之參之所分後武徙淮陽子參之所合皆是也

所謂晉陽中都也山東之代再徙也始於武帝元鼎中漢

廣關以常山爲阻徙代於清河後王莽繼絕改號廣宗是

故王義之所都子年之所廢如意之所服皆是也所謂清

河也語其都則始爲代繼爲晉陽中都終爲清河前後三變也語其號則始爲代繼爲代太原復爲代終爲廣宗前後四變也故凡言代王代相國其在文帝以前者爲吾土而以後者否凡言代郡代守尉則上自趙秦下終兩漢皆吾土也

按代卽故蔚州山代遼晉陽中都在漢孝文之世如淳以爲先都晉陽後遷中都正義引括地志中都故城在汾州平遙縣西南十二里日知錄文帝過太原復晉陽中都三歲又立子武爲代王都中都卽今平遙縣此當與太原廣昌參駁

漢志太原郡中都 平陶註莽曰多穰 京陵註莽曰致城師古曰卽九京 如淳曰文紀言都中都又文帝過太原

山西通志 卷一百七十七 建置

復晉陽中都二歲似遷都於中都也

後漢志 平陶 京陵註春秋時九京禮記曰趙武從先大夫於九京鄭元曰京字之誤當爲九原方氏曰指其冢之高曰京指其地之廣曰原

隋平遙註開皇十六年析置清世縣大業初廢入焉又後魏

置蔚州後周廢有鹿臺山

舊唐志汾州平遙漢平陶縣後魏廟諱改陶爲遙武德屬介

州州廢來屬

元初屬太原府至元二年屬汾州

按二漢之平陶後魏之平遙俱屬太原郡蓋是時汾州

未置郡也

介休縣

左傳杜註西河界休縣南有地名綿上

晉滅虞虢遷其民於此地曰虞城

漢志界休註莽曰界美 鄔註九澤在北是爲昭餘祁并州

藪晉大夫司馬彌牟邑

後漢志鄔註史記韓信破夏說於鄔 界休有千畝聚註左

傳曰晉爲千畝之戰在縣南

按漢太原郡鄔縣後徙武陵遂廢

地形志太原郡鄔註有中都有鄔城太岳山慮水入區夷澤

西河郡介休註孝昌中置 寧州註典和中置寄治汾

州介休城領郡四 武康郡治東多城 靈武郡 初平

郡 武定郡 蔚州註永安中改懷荒禦夷二鎮置寄治

并州鄔縣界領郡三 始昌郡領縣二 於門 蘭泉

山西通志 卷一百七十七 建置

忠義郡領縣二 葦池 楊柳 附恩郡領縣三 兩京

利石 化政

後魏明帝時爲寇擊破靜帝時築城還朔州軍居之立南朔

州卽汾州介休爲屬邑

按魏徙鄔城縣民居武城在今治東北齊入平遙遂廢

隋書註後魏置定陽郡平昌縣後周改郡曰介休以介休縣

入焉開皇初郡廢十八年縣改曰介休

唐書註義寧元年以介休平遙置介休郡武德元年曰介州

貞觀元年州廢以二縣來屬有鼠雀谷有介山

元初隸太原府至元二年屬汾州省小靈石入焉

路史介之推先國卽汾之介休有介山綿上山地今沁之綿

上寶萃以爲密界晉黔陬乃介根也

按郡國志界休有介山有綿上聚子推廟萬泉亦有介山俱傳爲子推隱處祝志介休之綿上盤踞深固可以藏隱故求而不獲萬泉之介山屹然孤立因傅會以爲推隱而引漢書武帝紀及楊雄河東賦爲介山証兩說固當叅覈

孝義縣

漢志西河郡中陽

地形志汾州西河郡註永安中置治永安縣白坑城 永安註分隰城置 南汾州南吐京郡領縣一 新城 中陽

郡領縣二 洛陵 昌寧 顓州註永安中置治汾州六

壁城領郡四 定戎郡治瓜城縣二 零山 陽林 建

平郡州治縣二 昇原 赤谷 眞君郡治東多城 武

山西通志

卷一百七十七 辨證

七

昌郡治團城

西河有土軍縣元魏太平眞君九年改吐京郡

北齊天保元年併介休入永安後周宣政元年復置

唐志孝義本永安貞觀元年更名

宋書太平興國元年改爲中陽後復爲孝義熙寧五年省爲

鎮入介休元祐元年復

元至元三年割溫泉縣之半隸本縣置巡檢司

按地形志浮陽郡有高城縣註二漢晉屬渤海治高城

有平津鄉與中編流民立東西河郡隰城縣武定末

罷此屬滄州與汾州隰城別

臨縣

漢志西河郡臨水注莽曰監水

唐志石州昌化郡臨泉注本太和縣武德三年更名置北和州別析置太和縣四年以太和隸東會州貞觀三年州廢以臨泉來屬

宋元符二年升葭蘆吳堡二寨爲晉寧軍以石州之臨泉縣

隸焉

金志石州臨泉宋隸晉寧軍有黃河臨泉水 貞祐末元兵

南下先諸郡歸附臨泉令張湘夜載賜木華黎曰此平定

夏國之兆也升臨泉爲大定府

元志臨州宋置晉寧軍金廢軍置臨水縣隸石州中統二年

仍改臨泉縣直隸太原府三年升臨州

縣南三十里爲古烏突都建於北魏領縣六隋開皇三年改

善訓府有古城址唐高祖廢爲五社東大岳南宰都西玉

山西通志

卷一百七十七 辨證

大

溪北古壇中善慶今東關豐市街碑記猶存臨泉古城在

今治西北

石樓縣

魏孝文帝置嶺西縣屬吐京郡後改嶺西爲吐京縣

地形志汾州吐京郡眞君九年置孝昌中陷寄治西河領縣

二新城註世祖名嶺東 吐京註世祖名嶺西皆太和二

十一年改

後魏孝文置長壽縣隋廢唐初復置尋省 後周置臨河郡

及縣 唐初復置縣後省

隋志石樓註舊置吐京及吐京縣開皇初郡廢十八年縣改

舊唐志石樓漢土軍縣隋改爲石樓武德二年於縣置西德

州領長壽臨河石樓三縣貞觀元年廢西德州省長壽臨河二縣以石樓屬東和州二年又省東和州以石樓屬隰州北有上平津

金屬隰州

明萬歷壬子平陽易靈石縣石樓改隸汾州府

永寧州

通典初趙之離石邑後爲秦趙二國之境秦本紀昭王伐趙取離石是也周慎靚十二年趙武靈王破林胡樓煩始築離石城

漢建武二十五年居烏桓於塞內二十六年遣中郎將段郴授南單于璽綬入居雲中柳將兵衛護之二十七年徙南單于部於西河美稷

山西通志 卷二百七十七 辨證 尤

永和五年徙西河郡居靈石注離石縣名在郡南五百九里西河本都平定縣至此徙於離石時又徙上都居夏西河即勝州東河古有西河郡

地形志晉州北五城郡領縣三 平昌 石城 北平昌 郡縣晉興和二年置

唐石州昌化郡本離石郡天寶元年更名領縣五 離石註有孝文山 平夷 定胡註武德三年置西定州貞觀二

年州廢來屬又析孟門縣七年省西有孟門關 臨泉 方山註武德二年以縣置方州三年州廢來屬今縣治北有方山城

宋石州昌化郡軍事舊帶嵐石隰三州都巡檢使元豐五年置葭蘆吳堡二砦隸州因置二砦沿邊都巡檢使遂令三

州各帶沿邊都巡檢使初領縣五元符二年陞葭蘆砦爲晉寧軍以州之臨泉縣隸焉大觀三年復以定胡縣隸晉寧軍領離石平夷方山三縣

金志石州舊昌化軍刺史興定五年復隸晉陽從郭文振之請也領縣六離石註倚有胡公山離石水石窟鎮 方山註貞祐四年徙置積翠山有方山亦洪水 孟門註舊名

定胡明昌六年更名宋隸晉寧軍有黃河寧鄉水 溫泉註貞祐四年改隸汾州有遠望山溫泉 臨泉註宋隸晉寧軍有黃河臨泉水 寧鄉註舊名平夷明昌六年更

元志石州等處怯憐口千戶所延祐七年置元中統二年省離石縣入本州三年復立至元三年省溫泉入孝義以臨泉爲臨州舊置司候司後與孟門方山俱省

山西通志 卷二百七十七 辨證 子

入離石領離石寧鄉二縣定胡城後改孟門城西百二十里宋爲離石縣有嘉木碑元改離石巡檢司明因之今廢址存

明隆慶元年晉州事太原府同知李春芳以石失二字同音請更名爲水寧

王運新呂梁山辨 按春秋成五年乙亥夏梁山崩書而不繫之國爲天下紀異也左氏謂晉侯以傳召伯宗謀之公羊以爲河上之山其崩壅河三日不流穀梁云梁山崩壅遏河三日不流具載伯宗對晉侯之語呂不韋云呂梁未鑿河出孟門之上酈道元謂呂梁之石崇竦河流激盪有震動天地之語諸說皆言爲晉山也胡氏乃引韓奕之詩証爲韓國之鎮言韓爲晉滅而大夫韓氏以爲邑焉張氏

爲同州韓城有禹貢梁山說與胡氏合杜氏云梁山在馮翊夏陽縣北方輿勝覽云梁山在同州郃陽縣諸說皆言非晉山也東魯徐先生昌論斷云若言韓國之鎮則韓在河西實爲雍地而治梁及岐不應繫之冀州也獨九峰蔡氏書傳所指在離石東北與左氏諸說合而公穀不韋道元所云壅河不流呂梁未鑿震動天地之語則爲無稽竊意公穀得之傳聞而未至其地胡氏諸人亦徒求河上之山不復審辨州域之異遂有韓郃等語或韓郃地近大河禹跡曾及之而山名偶同焉故也余夙慕梁山之勝有味乎徐先生之記每欲躬探古跡而未敢確定其是非甲寅秋始登絕頂徘徊四望高冠諸山下視崩石礧礧益信胡氏諸人實未嘗親至其地而承訛踵誤遂有諸說之紛紛

山西通志

卷一百七十七 辨證

主

也夫禹之治水也必登高遠矚相度詳明然後施疏導之功使止求之傍河之山則必顧此遺彼不蹈鯨考之轍不止又焉能天地平成俾烝民乃粒嘆明德於不衰哉因服徐先生之考辨精詳而信呂梁之在吾石者無疑是爲辨按梁山屬冀州不屬雍州禹貢已是鐵案太史公曰遷生龍門韋昭注云在縣北博物記曰有韓原韓武子采邑是韓原非河西地而爾雅曰梁山晉望此一語尤可証梁山之爲晉地困學紀聞所辨甚晰見汾州狐岐山下

壺口龍門辨 禹貢於冀言壺口於雍言龍門兩州分屬夾河對峙後人以河東有龍門縣疑有二龍門非也河東岸古無龍門縣名惟漢之皮氏縣後魏改爲龍門宋改曰

河津縣西北二十五里有龍門山卽壺口之南支而孟門卽龍門之上口在隰州大寧西南與陝西宜川相對雖指云東必得西而始成其爲口西必得東而始成其爲門二語可謂明辨至汾陰縣之西南有平山一名壺口山杜預註路縣有壺口關長治縣古壺關治有壺口山浮山縣西南有蜀山亦名壺口皆非禹貢之壺口壺口之載於冀州者當以隰州大寧爲正

大同府

大同縣

尹耕四郡考 夫大同之地古雲中九原定襄代郡趙秦漢之所置也趙并代以有代斥胡以有雲中九原而置郡則皆於赧王之十五年於是秦因之爲三郡漢增置定襄爲

山西通志

卷一百七十七 辨證

主

四郡夫秦漢時天下不過三十餘郡而北地處其四則夫西北之陬豈止是哉故嘗曰三代以來東南之地漸闢而西北之地漸淪固理勢之自然也今以其故城考之則雲中在勝州榆林五原卽廢豐州代爲蔚廢城定襄在今府城西北皆非今府城也以其屬考之則雲中有咸陽陶林沙南北與之屬九原有臨沃文國武都曼柏之屬定襄有成樂桐過襄陰復陶之屬代郡有高柳鹵城班氏平邑之屬皆非今所屬也然則今大同者雲中之東境定襄之南境代郡之北境而九原之南鄰也是故合其全則四郡不得紀指其實則代南境爲太原雲中定襄西北境與九原俱在塞外矣是則考興廢者不可不知也

京東考古錄

世言燕雲十六州白石敬塘以賂契丹不屬

中國者四百四十餘年蓋不盡然考之於史晉高祖所割以界契丹者山前之州也曰幽今順天府曰薊今薊州曰瀛今河曰莫今任曰涿今承曰檀今密曰順今順曰山後之州九曰新今保曰薊今延曰儒今寧曰武今在曰雲今大曰應今應曰寶今馬曰朔州今朔曰蔚今蔚而營平二州則後唐時契丹自以兵取之矣其後周世宗復關南北則瀛莫二州復歸中國而其餘十四州遂淪於契丹并所取營平二州亦適得十六之數若霸州乃周世宗所置灤州乃契丹所置又不在十六州之內者也

周報王十五年趙置雲中九原代郡 雲中舊城在勝州榆林縣東北九原舊城在大同西北即唐改豐州者 趙置郡復築長城自代並陰山下至高關爲塞 陰山在朔州

山西通志

卷二百七十七

辨證

重

塞外高關在五原北兩山相對如關甚高

漢高帝十一年詔曰頗取山南太原之地益屬代代之雲中

以西爲雲中郡 十二年分雲中置定襄郡

漢志雲中郡注秦置莽曰受降屬并州領縣十一 雲中注

莽曰遠服 咸陽注莽曰貴武 陶林注東部都尉治

枹陵注緣胡山在西北西部都尉治莽曰枹陵 犢和

沙陵注莽曰希恩 原陽 沙南 北與注中部都尉治

師古曰闕駟云廣陵有輿故此加北 武泉注莽曰順泉

陽壽注莽曰常得

通典秦雲中郡今雲中單于府是也後魏道武自雲中徙都平城即此雲中今馬邑郡北平城即今郡隋雲內縣恒安鎮也 雲中漢舊縣隋曰雲內縣白登山白登臺漢高帝

初被匈奴圍於此有故高柳城秦合岐後魏盛樂縣亦在今郡界單于臺在今縣西北百餘里漢武元封元年勒兵十八萬騎出長城北登單于臺

晉建興元年代公猗盧城盛樂爲北都治故平城爲南都又城新平城於渾水之陽使其子六修居之 魏孝文帝生於平城紫宮

地形志恒州注天興中置司州治代都平城太和中改孝昌

中陷天平二年置寄治肆州秀容郡城領郡八 代郡秦

置孝昌中陷天平二年置領縣四 平城注二漢晉屬雁

門後屬 太平 武周注二漢屬雁門晉罷後復屬 永

固 善無郡 梁城郡天平二年置領縣二 參合注前

漢屬代後漢晉罷後復屬 桓鴻注一本作祗鴻 繁峙

山西通志

卷二百七十七

辨證

重

郡 高柳郡 北靈邱郡 內附郡 靈邱郡 附錄 雲州

注舊置朔州後陷永昌中改寄治并州界領郡四 盛樂

郡注永熙中置領縣二 歸順注永興中置州郡治 還

安注永熙中置 雲中郡注秦置領縣二 延民注永興

中置 雲陽注永熙中置 建安郡注永熙中置領縣二

永定 永樂胥永熙中置 眞興郡注永熙中置領縣三

眞興 建義 南思胥永熙中置 附錄縣後

後魏天興元年秋七月遷都平城十二月徙六州二十二郡

守宰豪傑吏民二千家於代都 泰常七年九月辛亥築

平城外郭周回三十二里 魏定中山分徙吏民及徒何

種人工伎巧十萬餘家以充京都給耕牛計口受田天興

初制定京邑東至代郡西及善無南極陰館北盡參合爲

畿內田其外四方四維置八部帥以監之勸課農耕量校收入以爲殿最又躬耕藉田率先百姓自後比歲大熟匹中八十餘斛天賜三年六月發八部人自五百里內繕修都城尹耕曰魏畿封東至代則上谷不與西至善無則五原不與南極陰館則限以雁門北盡參合則舍置豐勝魏之畿內正與今日大同同也

唐會昌三年三月以雲朔蔚應諸州爲大同道罷屬河東置都團練使領之未幾改防禦使後升爲節度

唐志雲州雲中郡有雲中樓煩二守捉城

舊唐志雲州隋馬邑郡東雲內縣界恒安鎮也武德四年平劉武周六年置北恒州七年州廢貞觀十四年自朔州北定襄城移雲州及定襄縣置於此即後魏所都平城永淳元年爲

山西道志

卷二百七十七

辨證

重

賊所破因廢州及縣乃移百姓於朔州開元二十年夏爲

雲州仍改定襄縣天寶元年改爲雲中郡乾元元年復爲

雲州爲雲中縣領縣一在京師東北一千九百四十里去東都一千

六百四十二里貞觀四年四月置雲中定襄都督府

雲中府唐雲州大同軍節度石晉以昭契丹契丹號爲西京

宣和三年始得雲中府武應朔蔚奉聖歸化儒嬌等州謂

山後九州也

宋慶歷四年十一月遼號雲州爲西京置大同府遼志西

京大同府趙武靈王始置雲中郡秦屬代王國後爲平城

縣魏屬新興郡晉仍屬雁門劉琨表封猗盧爲代王都平

城元魏道武帝都孝文改爲司州收置代尹遷洛改萬年

又置恒州齊文宣廢州爲恒安鎮今謂之東城尋復恒州

周復恒安鎮改朔州隋仍爲鎮唐武德四年置北恒州七

年廢貞觀十四年移雲中定襄縣於此永淳元年移民朔

州開元十八年置雲中州天寶元年改雲中郡乾元元年

曰雲州乾符三年李國昌爲大同軍節度使子雲中守捉

使李克用據州廣明元年奔北地後敗黃巢取雲南旣而

與太祖會於雲州之東城後唐同光三年復以雲州爲大

同軍節度使晉高祖初割山前代北地爲昭大同等來屬因

建西京敵樓棚櫓具廣袤二十里門東曰迎春南曰朝陽

西曰定西北曰拱極元魏宮垣占城之北面雙關尚在清

寧八年建華嚴寺奉安諸帝石像銅像又有天王寺留守

司衙南曰西省北門之東曰大同府北門之西曰大同驛

初爲大同軍節度重熙十三年升爲西京府曰大同統州

山西通志

卷二百七十七

辨證

美

二縣七大同縣本大同川地重熙十七年西夏犯邊折

雲中縣置戶一萬雲中縣趙置公革與京府同戶一萬

天成縣長青縣奉義縣懷仁縣懷安縣宏

州德州

按趙武靈王始置雲中郡大同縣本大同川地考據未

確

遼制大同歲納三司稅錢折粟重熙十三年升府爲西京

置留守司十二月巳丑幸西京

金天眷元年巳酉省西京州縣皇統元年以燕京路隸尚

書省西京及山後諸郡族隸元帥府舊置兵馬都部署司

天德二年改置本路都總管府後更置留守司
元初置警巡院至元二十五年七月改雲州爲大同路隸山

西道宣慰使司

明洪武五年七月置山西行都指揮使司 七年秋八月置

分巡冀北道 二十五年八月城定邊鎮朔衛 永樂六

年置巡撫都御史 七年置鎮守總兵官大同遂稱鎮

景泰五年置分守叅議道 天順元年置戶部督餉郎中

雲中城在北郭外後漢建遠爲西京唐爲雲中郡近又有故

高柳城參合陂

高山衛城縣西八十里洪武初設衛始築宣德初調附天城

衛城遂廢今梁紫存

宣寧廢縣在城西北八十里本遠宣德縣置德州昭聖軍金

廢州改縣曰宣寧隸大同府元因之明省

雲中辨 大同之號雲中郡也兆於後周昉於唐相沿且

山西通志

卷一百七十七

辨證

毛

千數百載昔蘇秦說燕文侯曰燕西有雲中九原趙武靈

王二十六年攘地北至代西至雲中九原又嘗欲將士大

夫繇其境直南襲秦是二郡者趙之西界秦之北界也秦

置雲中郡漢因之領縣十一治雲中後漢無續和陽壽以

定襄郡之定襄成樂武進隸焉漢末郡廢入新興郡後魏

仍置雲中郡領延民縣太平真君七年以雲中縣屬永安

郡之定襄永熙中又置雲陽縣郡本隸朔州改曰雲州此

元魏以前雲中郡之大略也今之大同漢雁門郡之平城

元魏之代都也代公猗盧六年城盛樂爲北都修故平城

爲南都天興初置司州太和中改恒州泊齊天保中州廢

爲恒安鎮隸太平縣終魏齊之世不聞以平城爲雲中郡

也後周始改太平縣曰雲中隋曰雲內恒安鎮屬焉唐貞

觀十四年自朔州北定襄城徙雲州暨定襄縣來治洎開

元二十年改定襄縣爲雲中平城之號雲中於是乎始呂

令問賦平城曰雲中古城是也夫秦漢之雲中古城以唐

志覈之雲中都護府爲近其地負陰山帶黃河卽元魏之

盛樂故都也然元魏之盛樂以爲後漢之雲中郡地則可

以爲秦漢之雲中郡城則不可何者范史郡國志凡縣名

先書者必郡所治而二漢雲中郡胥治雲中縣以是知盛

樂之非雲中故郡也今卽以唐志推之龍朔三年置雲中

都護府麟德元年改單于大都護府東北距朔州五百五

十七里計其距恒安鎮蓋不翅四五百里而後人乃概號

爲雲中亦已疎矣其說兆於後周昉於唐而遠西京志又

從而實之謂趙武靈王嘗置雲中郡於此又謂雲中縣趙

山西通志

卷一百七十七

辨證

毛

置是蓋以唐郡爲漢郡而不知唐之置雲州於恒安鎮與

僑郡同匪故郡也遠志業以大同爲雲中郡故以奉義爲

漢陶林懷仁爲漢沙南二縣胥雲中屬也以漢地覈之當

在平城之西北不當在平城之東南其謬蓋與雲中郡之

說等又嘗考之唐之中受降城西二百里有大同川其東

爲故大同城又嘗於朔州鄯陽縣東三十五里置大同軍

城胥非大同川故地也遠重熙十七年西夏犯邊始析雲

中置大同縣而遠志云大同縣本大同川地然則古郡縣

之遷移而寢失其真者又可勝道哉

大同辨 今大同縣漢平城地也魏屬新興郡晉屬雁門

郡後魏屬代郡隋爲雲內縣初屬朔州後屬馬邑郡有純

真山白登山武周山有隰水

見隋志

唐貞觀置定襄縣尋廢

開元復置縣曰雲中爲雲州治遼析雲州置大同縣金元以後皆無異名周遼志暨明一統志山西舊通志皆指縣地爲大同川地考唐書中受降城西二百里大同川有天德軍大同川之西有天安軍皆天寶十三載置天德軍乾元後徙屯永濟柵故大同城也元和九年李吉甫奏修復舊城北有安樂戍此皆在長城之外距今縣七百餘里舊志膏悞

唐鎮北大都護府有大同長寧二縣非此大同

懷仁縣

漢志遼陶注孟康曰音汪屬雁門郡 續漢志雲中郡沙南

縣有蘭池城

遼志西京奉義縣本漢陶林縣地後唐武皇與太祖會此遼

山西通志

卷一百七十七 辨證

无

析雲中置戶三千 懷仁縣本漢沙南縣元魏葛榮亂縣

廢隋開皇二年移雲內於此大業二年置大利縣屬雲州

改屬定襄郡隋末陷突厥李克用敗赫連鐸駐兵於此遼

改懷仁在京南六十里 遼析雲中縣地置懷仁縣因太

祖與晉王李克用面會東城取懷想仁人之義

隋志定襄郡註開皇五年置雲州總管府大業元年府廢統

縣一大利註大業初置帶郡有長城有陰山有紫河

按此則大利當在朔州左雲北懷仁要隸雲內縣地也

遼史尚宜覈

舊志懷仁漢置沙南縣後魏廢隋大業初置大利縣遼析雲

中縣地置懷仁縣金升雲州元復名懷仁隸大同路

國朝併安東中屯衛於縣分八里三個一所雍正四年又併

大同前衛八村於縣名前衛里

懷仁辨 遼志懷仁卽漢沙南按沙南在漢屬雲中郡今

大同乃雲中東境也後人誤以平城爲雲中郡指隋後之

疆域爲兩漢疆域宜其多舛懷仁在大同府西南七十里

與漢雁門郡之涅陶爲近沙南見桑欽水經河水又東過

雲中積陵縣南又東過沙南縣北從縣東屈南過沙陵西

今歸化城有沙陵湖則沙南應更在沙陵之北又考懷仁

北郭外有北沙河南郭外有南沙河卽舊志所謂沙泉也

然此泉自明季始著不得據以解漢之沙南而桑乾枝水

俗名南池池北有涅陶縣之故城在十五里內

山陰縣

山陰漢陰館地北魏屬神武郡北齊改太平郡隋置神武縣

山西通志

卷一百七十七 辨證

罕

屬馬邑郡唐廢遼置河陰縣屬應州金改山陰置忠州元

仍山陰至元二年併金城入尋復置明隸大同府應州今

則直隸大同府

按山陰卽河陰以在桑乾河南曰河陰在復宿山北曰

山陰

應州

漢志雁門郡秦置句注山在陰館莽曰填狄屬并州領縣十

四 善無注莽曰陰館 沃陽注鹽澤在東北有長城西

部都尉治莽曰敬陽 疆陰注諸聞澤在東北莽曰伏陰

中陵注莽曰遮害 陰館 埽注莽曰填狄亭 繁峙

樓煩 武州 涅陶 劇陽 平城 馬邑

後漢志雁門郡十四城 陰館 繁峙 樓煩 武州 涅

陶劇陽 崞 平城 埧 馬邑 鹵城 廣武 原

平 疆陰

後魏屬神武郡北齊屬太平郡後周郡廢置陰城縣隋廢唐

置金城

遼志應州彰國軍上節度唐武德中置金城縣後改應州

北首雁門二山南

後唐明宗州人也天成元年升彰國軍節度與唐軍寰州隸焉遼因之北龍首山南雁門兵事屬西

京路部署司統縣三 金城本漢陰館縣地漢末廢為陰

館城大業末陷突厥唐始置金城縣遼因之 渾源縣

河陰縣本漢陰館縣地初隸朔州清寧中來屬

遼開泰三年三月戊申雲應朔州置轉運使

元志唐末置應州後唐升彰國軍元初仍為應州領金城山

山內通志

卷二百七十七 辨證 隼 陰二縣至元二年山陰併入金城後復置州治在金城

鹵城在州境漢為鹵城縣隸代郡後漢隸雁門郡 明洪武

七年以州隸大同府

國朝順治十六年裁安東中屯衛併應州領山陰縣今山陰

則直隸大同府

渾源州

趙孝成王十九年以汾門與燕易平舒渾源乃肇於平舒

漢為平舒崞二縣地平舒屬代郡莽曰平葆崞屬雁門郡莽

曰崞張

元魏神武郡石城縣隋為平寇縣唐為崞縣屬代州後唐置

渾源縣以渾源川名或云因八水合而渾流故名屬應州

遼仍舊金升為州仍置縣在郭下併置司候司元改恒陰

縣隸西京即今大同府至元四年省入州明調安東中屯衛中

前二所分守

尹耕三曲陽辨 按漢地里志曲陽有二一曰上曲陽屬常

山郡注曰在恒山北谷即禹貢恒水所出處有恒山祠一

曰下曲陽屬涿鹿郡注曰今鼓聚昔陽亭晉荀吳滅鼓即

此常山有上曲陽故此加下今正定府復有曲陽縣既非

鼓聚又不在恒山北谷是三曲陽也攷定州志曰曲陽即

秦所志曲逆後因之有曲逆溪在城北曲而西流漢地里

志曰曲逆屬中山國蒲水所出東入濡又曰濡水在城北

曲而西流故曰曲逆章帝醜其名改曰蒲陰則今之曲陽

為漢之曲逆明矣今曲陽既為曲逆則恒山祠古在上曲

陽不在今曲陽也舜北巡守曰至於北岳漢武修封還至

山西通志

卷二百七十七 辨證 隼 上曲陽祀恒山皆不在今曲陽也飛石之說胡為者哉故

嘗斷之曰上曲陽以山得名言在恒山之陽也曲逆以水

得名言其水之曲流也上曲陽既在北谷山行峻絕其廢

遂久曲陽曲逆同而轉逆為陽後人以其去岳遠而無徵

復為飛石之說以文之唐人失河北石晉割燕雲宋人守

正定咸不能至岳下奉玉帛而且便其在曲陽也經十年

無更正之者則夫表峙鎮之方備柴告之典復唐虞會同

之跡不有待於今日耶若必求上曲陽遺址祠之則唐虞

秦漢都平陽關中車馬自西南而來入山而北故於山陽

之谷建邑置祠今寇蓋祖豆率自北而南亦何必谷中之

上曲陽也修岳麓掃土之遺正曲逆飛石之謬於渾源州

可也